


扶桑通史

九

				和書門
二	三	八	二	
冊	架	函	七	類
			九	
			五	
			號	

庫文閣内				和書
五	二	二		
函	七	七		
	三	九		
七	冊	五		
架	號	類		

内閣文庫	
番號	和 27995
冊數	23 (9)
函號	150 30



最上伊達傳第十一

明治十四年購求

卷之十六

最上義光 斯波家兼後也家兼長子直盛延文中為

鎮守府將軍治于奥之大崎次子兼賴為陸奥出羽

按察使治于羽之最上而圖從南朝者二子死子孫

失職隸三州于鑰倉秀吉入奥滅大崎直盛後遂絕





兼賴之後義光併有縣邑最上氏復強其嫌之夫居

白鳥惡從義光三三佯病將死欲托孤于姊三之夫

信之未視其病義光刺殺之盡滅其家是時尾君定

大將軍威震天下義光遣使者賀駿馬神祖語尾君

曰最上者斯波兼賴後君賢國大善遇之以屬東方



小田原之役使人迎諸佐川詣秀吉如前義元曰公
之義汝世不忘使次子家親從九戶軍于神祖遂畱
事左右是時秀吉養子秀次遇山叢義光奉其女為
小妻迨秀次見誅盡戮妻妾二十餘人義光以女故
待罪于邸久之廼解是以慚愧怨秀吉伏見地震諸
侯咸請秀吉義光特詣神祖曰人心不可測因此作
變或有之君請勿出持兵侍便坐達且而去會津侯
聞神祖欲伐之使來合後少子善忠勸義光廣之
義光不可以鮭延越前謀倂誅之緩其師神祖乃令
義光部秋田南部津輕角館六鄉及本堂茂親亦尾

升二郎瀧沢刑部打越光隆仁賀保奉誠岩尾右兵
十一將攻米沢其衆集山叢聞三成反神祖南還咸
解散去義光不能制初義光適子曰修理大夫義康
次曰家親仕神祖次曰清水義成次曰上山兵部次
曰大山内膳次曰楯岡甲斐最小子曰山野邊義忠
三成知義光險忍嗜殺欲亂山叢厚結罷臣厚八左
里見權兵使言曰世子見公老而不傳仁大望曰公
欲立家親而取内府予不能事之自剄而從父之心
公知之耶義光怒立誅義康驗之得以不能事父為
憂之事乃繫二子于獄搜其室有秀賴書許義成奧

羽之半腸二子圖義康義光乃誅義成及原里見後
是兄弟國人不昵義光、怨三成浹骨迨諸將解
歸欲出兵于越美之間親當三成大臣固爭為不可
又神祖以越三侯屬于義光令會津兵南出襲燒米
澤義光乃止不行會津侯慙為義光所欺遣兵伐山
秋仙臺救之与壁于長谷堂之下未大戰聞三成敗
而去義光追擊敗之乘勢取庄内天下已定以戶沢
六郷本堂等前不告義光解歸徙之常州以三將之
地及江州万石与義光為六十万石明年率兵收會
津部所屬屠須田會津盡平慶長十六年從神祖如

京十八年城皇宮還有病自以為不起趣朝二都待
之甚篤歸歲餘卒家親之始仕也神祖曰大國公子
也元服為駿河守愛之等諸子琉球使者至使家親
行奏者事於是代父為山秋侯至攻阪召為雷守比
上還未曾出城元和三年俄病卒子義俊幼代立園
藝侯邸盡出其人八年家監松根備前詣闕告先侯
家親如弟指岡甲斐食肉而死臣等馳至即已燒其
死臣意家親無病至大故宜盡召親近之臣視所病
而解臣民之惑而遽燔其死匿所以致死臣因召問
其死時在側女使女使曰斑黑鼻不可言臣以是知

其中毒而臣力不能得賊義俊立六年山野邊義忠以季父之尊專斷于國大臣鮭延越前等弱義俊圖廢之而立義忠矣義俊處累卵之危而臣力不能除害願上誅茲臣以安最上氏唯上哀察焉上下吏治女辭不甚堅備前坐構偽詐欲陷害人執遷柳川上憂山歌不和遣江都尹守利田盛會群臣于郎論以上之命一心輔主鮭延越前曰義俊愚不任君臣臣等請免義俊立義忠從君為輕社稷為重之義守利田盛作色曰義俊君也義忠臣也上命群臣一心輔主君等不從明命圖棄君佐臣逆無道義忠越前謝

曰臣等不達此然後如備前者復妄上書臣等逃死無處何遑圖國請從是去矣守利等乃訪衆曰以死奉君然義忠越前竟不肯留事君守利等還報上曰臣不畏君、無令衆國不可為廢義俊食大森万石俟臣議封義忠越前等大臣分處諸侯之國於是山歌因除義俊長無成立之志不得復封成病卒久之上不命嗣家監恐最上氏絕請邑之半立其孤上許之今茲寬永八年也上後赦義忠還自岡山仕水戶威公卒欲死送喪義公不許与其子義春万石世為水戶鄉

伊達政宗藤魚名後也文治中有侍中朝宗者食邑于伊達因為氏子孫乍微乍熾至鎌倉衰与大崎最上會津共為強國橫行奥羽之間父輝宗尤善使衆舉米澤之兵南侵會津二本松城主畠山義繼詐降輝宗、、悅留之飲酒酣起為壽挾輝宗出左右持兵從之恐傷其君不敢擊行數十里見政宗獵于野輝宗呼曰莫使我受辱于賊与賊死我無恨政宗乃砲射義繼輝宗亦中之死政宗乃進兵圍二本松是時芦名盛重佐竹義宣弟也不信芦名氏之旧臣而委政于常人將士怨怒不能拒政宗二本松竟敗政

宗又誘猪苗代盛國自猪苗代直突會津盛重不知所為從二騎奔于常盡降會津二十一城使、結好小田原今年秀吉攻小田原政宗道越後造秀吉之軍初秀吉平九州下令奥羽勿擅攻擊迨取會津令之与隣國解怨朝京師神祖又召之不可於是秀吉責以不用命滅會津政宗負磔具詣軍門膝行而前曰二本松臣不戴天之讎也盛重每助二本松伐臣、是以入會津盛重不能守亡歸其兄滅會津非臣之罪從是最上大崎相馬嫉臣之功欲破臣是以不得往朝臣有大罪不敢逃誅唯公命之秀吉適命小

臣事顧政宗笑曰君讎已報於君足矣早歸米沢勿得罪天下使吏趣政宗歸秀吉平小田原遂欲攻政宗、、至那須獻會津地圖秀吉驅入會津與會津蒲生氏鄉大崎木村重滋、、驟賞失民之和相聚作寇大者數千人小者數百人日夜剽掠無止氏鄉興兵救之政宗稱病不進氏鄉以為政宗通使于賊使、者長政責狀政宗乃以伊達成實質于氏鄉香吉誅重滋召政宗神祖乃使榊原康政以政宗如京師為言得事解賜羽狀氏拜待從越前守九戶反攻拔岩崎佐沼秀吉以為岩手澤數經兵寇廬舍燒林

木伐民人殘使神祖從政宗于岩手澤食五十萬石以米沢与氏鄉名古屋之役江戶兵与加兵爭水氏鄉幸長秀元如神祖所政宗為平之加賀德山則秀馳見神祖事解政宗海攻晋州敵自間道攻淺野父子政宗伐大敗之有司曰政宗事秀次甚密出則連騎居則共食重受金帛之賜疑知其謀又有上變告反者秀吉笑曰秀次我子也事之固當政宗義光人多疾之故被告不召政宗乃以子秀宗仕秀賴秀吉薨大老奉行以政宗許婚忠輝欲誅定約者今井宗薰神祖聞之曰我必為之報其仇有司乃止會津事

起令政宗自信夫進政宗曰會津与敵邑疆壤畧請
先歸備之神祖熟視笑曰子非備人者欲侵人之地
耳政宗曰不因此時一縣不可得歸至仙臺知白石
城主甘糟清長如會津築妻襲取之又伐福島戰于
松川之上會使者至收兵不戰既救山秋移兵攻福
島逢景勝而還明年攻福島涉逢隈而反又明年城
仙臺居烏初神祖許增地至誅三成封之播不受南
部民作乱利直疑政宗助賊請使者巡軍政宗知潛
遣白石宗玄有此二事仍与前所攻得白石不增封
政宗遺書秀康曰病創不能手書遇諸塗自馬上揖

之曰未愈秀康曰是人見大閤之惡其變詐以杖
擬其首是人陽懼恐羞事之終克移大閤之意今復
欲以創媚于上豈不知我慶長十一年遊其策与
龍崎德祖亦遊其策以築天主賜松平氏仍城皇宮
与高田秀賴欲觀政宗之意使其所善阪吏和久宗
友語曰子有寵為我明言我無罪政宗辞不能告吏
捕之于道甲寅至阪軍罷諸侯留徒役平城隍政宗
特身躬督役待德祖去明年擊大破阪之兵進圍阪
將森勝永大野治房于蒼田大野治長渡邊胤直田
幸村等潰圍拔二將政宗將景綱追敗幸村等斬首

方餘級政宗在軍斬過陳者登首級曾使人盜刈屋
疾馬刈屋疾謀報之適政宗未計事疾猝牽者頭取
其馬政宗默然還聞神祖病疾馳如駿府神祖悅從
是築正東門及櫻田石壁浚隍池再從朝京師自參
議拜中納言賜江州五千石後朝江都逢太宗使鷹
于野左右無人為不見行朝見已畢請問曰人主不
可不自重田野之祇安知玉體率然有侵凌何面目
復臨朝廷是年政宗病上再往見竟不起長子秀宗
以曾事既不立、次子侍從忠宗、弟宗勝為一
閔疾好說秘之計惡居人下厚善侍中久世廣之為

子宗考娶大老女日、候望推貴之門明曆災忠宗
化兵品川千住備非常万治元年如国被雷擊卒孫
綱宗立綱宗無行從奴雷神荒浪如北里嘗爭路為
人所困二奴力鬪免之市中或燂湯使洗足与之履
而行視之千金香木也贖妓金之重与妓身等而妓
不肯從近綱宗左手繞髮右手拔刀斬其腰斷之二
奴亦多陷害人宗勝於是欲廢疾而代之原田直則
世秉国政利宗勝之賂与謀傾疾益薦無賴子弟道
其嗜慾傾府庫供給万治三年命浚神田川七月宗
勝直則告仙臺朝廷以疾之不道諷使傳国于世子

不從國危片倉景長投書于地曰使公如此是誰之
為伊達宗重曰譬如長流不可反願勿復言諸大夫
与共立二歲見名綱基為仙臺侯從綱宗于品川邸
上乃令宗勝与田村宗良視國事宗良綱宗弟封岩
沼奉田村氏之祀換不能斷獨任宗勝於是易置左
右近侍稍除不附已者始置監察、重臣所為不得
有所私議里見十左非之遺書論其不可適里見死
許置後白川主殿娶伊達宗雪妹生子而死其子又
号曰主殿松前重光少勇而可任事宗雪深以幼侯
為憂奉妹為保母举重光置左右宗勝欲祛二人暮

死士刺宗雪不克欲惡諸大夫取宗雪邑与式部宗
雪不爭寬文十一年宗勝舍人得罪恐誅盜宗勝与
直則陰謀之書奔仙臺諸大夫欲上書言之宗雪曰
大吏多助宗勝訖而不克無繼者宗雪老矣死固不
足惜請先試之懷書如江都執政聽其獄弊罪直則
、出罵宗雪老不死妄言國事斬殺宗雪傷承奉
柴田朝意蜂屋六左進欲入前處江都尹守政執檢
鏹殺直則知政事重矩親与朝意等藥歸至邸死於
是囚宗勝于土佐宗考于小倉滅原田氏盡誅其黨
命柳川侯宇和侯視仙臺國事憲宗時以水沢封弟

村和後村和從者擠親衛郎陷溝詣綱基求与村和
死綱基廢村知斬從者二人謝之初綱基悅浮屠鏡
牛之言廢田獵綴有罪政不举夫人父稻葉正則憂
之因幸臣見僧大寶綱基愛之甚於鏡牛慘刻好殺
伐嘗一日殺二千餘頭鹿宗重白逐大宝黜
見之者人以侯為無常元祿十六年侯老立公族告
村是時国大匱事、必仰賈豎而後成待賈豎如賓
客大射獵飽其意吉村举石川理兵于府史委之因
計理兵召賈豎責曰我將償再、有德色何悉罷奉
賈豎季年債盡倉有餘穀然不能終從其策至嗣侯

時欲大糶米人或止之曰仙臺以米為富盡糶之如
何侯不可其年穀不登仰穀于遠方理兵之所積皆
盡德宗時吉村老子宗村立宗村前尚紀伊主仙臺
爵位等薩列侯不敢望

初政宗廣地至三春田村麻呂後有大膳大夫清頭
者納女生忠宗清頭無子立從子宗顯秀吉入奥州
以三春屬會津田村氏絕嗣忠宗立其母對之常泣
綱基立群臣言立叔父宗良為田村氏封岩沼侯与
宗勝同決国事時郎中多恠宗勝以上者之言掘地
於便坐下得偶人及祝書曰某、願殺侯立白川主

殿宗勝曰是保母欲為此代以其子重光黨保母同
祝謹于君宗良曰不然果保母為此當祈名神孰埋
便坐下速其禍一也二人匿名一人著名二也異姓
不得立雖兒女子知之三也以宗良觀之有設此事
誣保母者卜者宜知使人執卜者直則止之曰卜者
雖卑隸祠曹不可擅捕又重光斬蒺人于床下保母
登魚中置毒宗勝立斬侍醫不問誰教之宗良見此
數事稱病不出既宗勝執于土佐朝廷責宗良身監
國事知宗勝有邪謀不正之使至大菴傳朝待罪後
徙侯一閔子建顯憲宗時以好學給事于中歲餘遷

奏者使叔津山建顯卒族人誠顯立誠顯卒立字和
侯村昭弟村顯古引云不可信立誠顯卒立字和
字和侯秀宗自少仕阪浮田秀家以秀宗父政宗首
伐會津執秀宗欲戮之會秀家等破薛歸仙臺然恐
人之疑之不嗣神祖豎之甲寅從父在軍中封字和
嶋十萬石明年如字和島鎮四州慶安中病久不朝
知上欲起石城將致徒役上以前數助興作不受請
歸國養病以無例又不許遂乞骸骨立孫宗利割吉
田三萬石封次子宗純々々父愛之驕蹇不悅事兄
之子自附仙臺侯與之爭境畧侯根侯居間和解然

不肯往見宗利明曆災命造内城無子讓仙臺侯綱
基弟宗贊、增賦復為十萬石興作文廟宗贊卒
子村昭立村昭卒子村候立村候好學快澗与仙臺
侯爭嫡庶之礼
吉田侯宗純子曰宗義卒族人村豐立見今為侯
史臣曰最上仙臺賀首之仇也然當合軍長谷堂戮
力却大敵者以有唇齒之形也予聞政宗怨其舅義
光欲易已于母弟五郎而殺五郎二侯之行概此類
也自父子昆弟君臣上下知推不知義宜乎後世有
篡奪之禍其存之与不存有幸不幸于時也

京極細川傳第十二 卷三十七

京極高次者佐、木成頼後也氏信者居京極号为
京極氏於是佐、木氏之別尤多為天下彊族高詮
者於足利氏時与山名一色赤松為四職貴顯久之
六角氏盛京極氏衰六角氏者佐、木氏之宗也高
次父長門守高吉為其將淺井久政所削弱僅保妻
子于一城之中尾君亡久政秀吉以為非京極氏無
靖國人尾君從之復高吉二子高次高知封高次八
幡山三萬石後以黨明智光秀奪邑從秀吉居秀吉
取其姊為妾有寵以殿夫人妹妻高次高次母本亦

澱夫人姑也慶長初封大津六万石拜參議諸侯無
敢与抗礼秀吉薨多圖神祖者事日三急高次欲迎
神祖共守大津神祖不適至伐會津過見諸宿將曰
多賢大夫雖有變我不憂子矣石田三成自沢山入
大坂作乱求質子于高次不得欲殺高次大谷吉繼
曰為少主起兵而誅其親衆恐不從石木元綱曰
參議貴戚也不出質子示諸侯當事之急臣等不能
事參議高次聞之曰三成僥倖少主以圖竊推事濟
之日非豐臣氏之福且内府厚于我不可背也我必
死諸宿將謀曰諸侯咸從我衆亦足當之公之死固

無益内府不若先与之而後謀澱夫人在縱令怒我
反不害公子強遣忠高三成悅造大津安養寺經世
曰此乱三成本謀也今幸來此捕而誅之諸侯自定
是安天下之功在我公万世一時不可失也諸校尉
或不可而止於是吉繼等推高次為將出于敦賀欲
平越前聞兵至岐阜引軍如大垣高次以為神祖至
歸大津塞逢阪毛利元康攻之柳川侯自三井寺臨
射樓堞盡碎元康使高野僧興山出高次亦會澱夫
人使至高次度不可恃許夫人使是日三成敗高次
慙如高野神祖曰參議要三万兵不得至関原是其

功過于三万兵封為若狹侯慶長十四年高次卒子
忠高立十九年攻阪神祖欲毀外城居淀夫人于江
都而罷兵阪為將士請地神祖不聽召忠高母常高
指示地道日不久城壞煩夫人救我孫為我見秀賴
罷兵常高乃見淀夫人不可神祖曰大閤薨執我手
託孤是以妻孫而視猶子夫人強亦行際城若遷天
下之兵可罷將士一無所問使阿茶与共往議猶与
未決會片桐且元知秀賴詣廟及淀夫人之寢以砲
射之侍者五六人立死夫人大恐集諸將謀之後藤
政次曰織田君之部竹牌目前至今不聞劫之夫將

有戒心而外無援雖金湯不足恃也鉅鏃有數積聚
終鏖未覩其利上春秋方高一且捐館舍諸侯必携
於時奉兵若可濟矣罷兵便真田幸村曰諸將不足
共謀資糧雖匱非歲月所能湏今奪天下之兵攻之
三月不克士卒疲勞而糧食不繼必有內叛者是兵
家用勝之時也可勝之機而不能決可乘之時而不
能待苟罷兵而圖安目前一旦衆散歸本鄉土雖後
奉事孰為効死本多正純遺治長、益書曰舅甥相
仇非固所願今日之事約定而和不成用事者竊意
二君非二君之福也治長、益是以然政次之言夫

人亦曰妾不憚遠出秀賴不欲曰政次之策者且元之所建也公等何非且元而是政次事之至此復無可為者涕洟下不止治長等伏不能言然夫人幼秀賴不用其言許毀城而和明年軍盡罷將士相聚復欲為亂或謀襲京師掘河饑民將相食淀夫人使常高等駁府請糴神祖以共至名護屋召之語曰淀夫人日夜望君等歸宜先適近京師相驚以阪兵不至京師其事不可知至京師又見常高等曰掘河散亡粗盡其居者亦咸不能自存當今之務在散兵招農而招亡命糜所乏之粟起城郭使無死之民天下

且懼且疑上書請伐者日十數我莫若之何為阪計從郡山而安天下之心就積粟而救百姓之急我將復城輯民而後復其舊常高等屢往反而阪竟不聽忠高、知攻入備前島阪亡寬永中与忠高敦賀及千金拜右少將于京師堀尾氏絕移封雲隱二十四万石明年与石州銀山居二年卒忠高有孽子卑不予之無嗣朝廷立弟之子高和為之後封館野六万石執政直孝曰鳥居氏京極氏共以守城之功封二十四万石鳥居氏絕命其後三万石今封高和六万石恐内諸侯因此缺望知政事忠勝曰不然高次名

家也先朝時享六万石若封若役雲以勲親故也元
忠之邑三万石至子忠政增封剪草墾土自增其賦
開國既異爵位亦卑不比京極氏遠甚内諸侯以此
不缺望高和後役丸龜卒子高豐憲宗時將高田侯
往松山高豐卒子高成立高成以墾田万石封弟高
澄數作役佐縣官子高定德宗時築荒川星川之隈
通荒川古道求奏者不得

田邊侯高和者高次第也秀吉時同兄為侯封高遠
三万石偶妻父毛利秀頼無男子臨終乞与邑高知
秀吉許之因食飯田八万石拜侍從賜羽柴氏慶長

五年自小山還拔政阜擊大谷吉繼于關原有告兄
高次為敵所窘者馳至高濱會城已陷望其烟而止
神祖誅三成封高知為田邊侯甲寅為軍鋒出和州
明年自牧方攻阪斬首三百後為子高廣求諸大夫
上曰彼雖請之拜之必恨拜為侍從元和末高知卒
高廣立移宮津以田邊与弟高三峯山与高通承應
中高廣失明致仕居京師子高国代立高国節儉礼
士盡改父之法至国益富以為天下無已若老臣無
敢復言輕執政侮鄰国疎親姻内外怨誹大傳正之
知高三子高直与之争地欲平之執政直孝曰高国

復不從君之言正之曰不從我与君遣一騎將伐之
高国聞之乃平奉其父足養從者其餘雖求之不遺
高廣惡高国矜私智不聞諫者之言不義亡道与書
言之高国不一報又無悛高廣憂怒為病忽、不知
所為寬文六年上書曰臣高国動作不軌好逞私忿
不孝于親不愛于弟絕宗族不通專聚財賄不知愧
惡厚歛苦百姓以法籍沒富賈城中積布帛金粟特
發賞婦人女子舊臣遺老見其饑寒不救軍国械用
雖朽蠹不造臣与書數不一報甚無道上以為高国
無道高廣不慈廢高国徙南部高廣徙小濱高賴徙

上野高賴高国子也時奏者尼崎侯使叔宮津家丞
不肯去曰寡君無命衆曰家丞君在不諫今要其下
使死我安能戰或曰棄城廢命拒使危君不若出城
救君之難自教行已之義衆從之適高廣書至乃止
高廣死上還高賴江都高賴不欲仕如鎌倉憲宗時
為大行人

田邊侯高三至孫高盛嚴宗賜二千金徙豐岡既病
讓弟高任、生高榮、、生高寬、、德宗時卒
以幼国除賜弟高永字長甫万五千石
初朽木宜綱娶高知之妹生高通高知未生子乞養

之迨生高廣等分万石封為峯山侯曾孫高之德宗
時卒以內藤或信子高長為後
細川忠興者嗣細川輝經父藤孝亦養岸曲細川元
常蓋大將軍義晴子云生聰敏多智為侍從兵部大
輔大將軍義輝為松永久秀所弒藤孝竊其弟義昭
如越知越不足用適見尾君說使迎義昭尾君竟納
義昭于室町立為大將軍然義昭見尾君日恣不能
如初復怒藤孝言直不之見藤孝子忠興、元事尾
前有軍功於是藤孝恐見誅亡歸尾君攻浚有功食
邑長岡南定紀州從秀吉如中國尾君封之田邊謂

忠興曰我意以此封子是時忠興之寵過于其父忠
興妻者明智光秀女也光秀弒尾君也謂妻逆家子
出之攻光秀所置丹波二城從秀吉誅光秀、吉復
謂忠興復明智氏小牧之戰藤孝已老忠興蒲生氏
卿守二重墮軍罷參兵隨之忠興殿而擊劫參兵後
伐相攻入外城既壞相封忠興會津、、苦寒之鄉
臣父老且病恐不能堪然為天下擇臣、不敢避若
賞微功臣請勿從秀吉聽之既伐朝鮮賜羽柴氏左
少將秀吉薨三成長盛謀曰內府亞相受遺命輔少
主天下之事皆決乎我輩共命不遑不及預事二公

若有鑿可得志也佯為不相善使長盛享利家之
將享神祖長盛尼之曰丞相不可量又謂利家內府
信流言稱病不來不可無悔請之必許因又陰以苦
言止其行利家大怒欲歸加州忠興之子忠隆利長
之塔也聞之諫曰公以遺命輔少子一旦挾私憤廢
公義猶何面目南面稱孤哉利家乃止三成已不得
享神祖欲附利家傾神祖忠興又諫而曰公何見事
之晚此輩非為公也惟非公無抗內府者故因公謀
內府享濟權歸于彼而公無益矣不濟禍歸于公而
彼無与為假去內府公百歲之後臣必見嗣侯受制

于彼輩為前田氏計不若固交內府而塞茲邪之路
也彼亦与孰謀前田氏利家乃蹶然強病如伏見忠
興及加藤清正淺野幸長徒行夾輿神祖亦如阪報
利家前是利長惑于三成之言使忠興解怨与之交
善忠興詳許之長束正家曰內府兵不過二千焚之
必勝告忠興曰不然君見其利不見其難我發
火箭敵內府皆邸決死孰當之者又問見神祖曰將
軍何不早從丞相之計近仇讎而遠腹心緩急無所
便神祖曰善從向嶋大老列侯相率賀遷天下愈畏
其威初秀吉誅秀次吏得忠興貸金享其有券者概

得罪神祖為忠興償之焚其墓忠興泣曰公活我肉
我何時能謝但公疎我可少有執是以大老奉行之
謀皆得聞至与利家平除、知而惡之是時三成差
次朝鮮切罪小西行長寺澤廣高誣清正長政勝茂
高敬逗撓咸怨曰是三成所為也上書申明蔚山之
捷清正幸長功第一監軍七人其五人歸功于秀家
行長高敬重信二人爭之不得清正等言三成罪監
軍又不得清正長政幸長正則嘉明至鎮忠興相集
欲伐三成請之神祖止之曰三成無反叛之罪以私
怨誅之何以觀天下三成望神祖助七侯亡如阪七

侯亦如阪告利家會其卒三成復歸身神祖、台
七侯曰三成尊貴輕視人今為公等走匿窘甚於公
等是矣公等不宜殺尊貴之臣而快私忿公等不釋
我与三成同死七侯默退然未肯解散神祖廼使中
老免三成奉行歸国三成歸国恐途中有變使秀康
送之至大津而反於是遣忠興等歸国休息奉行長
盛諧忠興助利長反又利家前欲取淀夫人以假父
奪將軍之柄神祖見其起第極盛而信之忠興聞之
如伏見明利長實不反其父亦無背公之意慶長五
年聞忠興貪与杵築六万石三成黨益謹忠興之東

子忠隆為藤孝死居田邊天下之事不可測不欲行
藤孝強遣而其婦不從姑之死忠興益怒不見忠隆
是時圍田邊者二萬人天子知藤孝善歌悉得古人
之秘畏其死無傳徵藤孝至闕三成是以不能殺之
而田邊為賊有忠興羞焉至清洲諸將謀所伐忠興
曰攻岐阜致大垣兵諸將從之敗大垣兵救岐阜忠
興又敗薩兵于洲牧從敗三成關原降龜山取福智
山殺小野木公知、攻田邊困藤孝者也三成誅
以前後功封豊前三十八万石於是立忠利為嗣逐
二子忠隆有閭二子後為阪將被捕殺十五年藤孝

卒明年忠興自左中將拜參義從三位十九年忠利
城江都還至駿府聞有阪兵見請從軍復如江都上
復命忠興加藤忠廣田中忠政等侍薩兵過而後出
兵三侯是以不逮事元和元年如二條神祖曰我謂
參議先至果然以衆未至居藤堂高序之陣高序少
退忠興自倚擊克之忠興受道學于藤肅善歌習熟
武藝諸猿舞歌謠茶具刀劍之類有鑒識達其妙業
之皆咸取法五年致仕忠利立寬永三年從朝京師
拜左少將偶国蝗出書画珍寶賣于京師代稻麥蕎
菽親賦諸民京兆尹異之令商賈乘急賤取有罪因

以得自救天下号为善憂民太宗為太子時用度常
儉忠利外弟齋藤利宗潜言忠利奉金錢前後無算
至肥後侯忠廣有罪思忠利日有德于已于東宮從
肥後食五十五万石遂留其衆養之以八代奉其父
國雖大貧過于前然其父恨忠利以貨得大國無所
發憤以法多所誅殺十三年部松平忠英森長繼有
馬直純立花宗茂立花種長木下延俊稻葉一通稻
葉純通城江都耶蘓起忠利父子在江都志水伯耆
出兵川尻賊魁益田時貞母居宇土賊欲奪之乃從
囚熊本賊亦欲取川尻米時伯耆未出吏缺獵戶銃

百銃間有索臨水時貞望見以為衆至引兵逃忠利
子曰光利至自江都入天草進圍原明年正月忠利
至謂光利曰我撫衆素薄衆不以為恨趨死如歸我
老矣悔之靡及子為我礼之補我之過至佐賀兵攻
門忠利從海上出敗之後賊棄門去明日入子城放
火獲時貞上使、者未勞光利時祭兵万人舟四百
艘逐蛮人光利立九年卒子綱利幼阿侯代决國之
事分弟利重田為諸侯明曆災綱利郎幾焚綱利不
救出兵西城下備非常已建石城自銅門至蓮池綱
利初学北条氏兵法留意政事稍惑嬖臣之言恣酒

色將吏之俸盡取以供其費邸中有菜色相長固直
之至江都爭之甚疾不得已黜嬖臣一聽直之
死益縱不如固十二年傾府庫賄有司以護其短造
此丸建憲陵章宗時乞骸骨立後子宣紀、賢好
學德宗時卒子宗孝呐不慧人或欲立其弟重賢不
能宗孝立与筑前侯平釋固初時之恨延享四年入
賀中秋無故為板倉勝立見殺上殺勝立立弟重賢
字土侯立孝者忠利弟也忠利從肥後割地侯之其
孫有孝憲宗時給于中有孝曾孫興周見今為侯利
重立為侯卒子利昌自幼見父用財無度厚歛富國

又奢于父室永中為上除海道砂石利昌節衣食欲
復其費歎曰我以是死然不能自止卒子利恭立德
宗時其承奉上書訴固之事上聽之不問

茂木侯興元者忠興弟也初為峯山城主常為軍鋒
有功迨從豐前怨忠興不善遇之亡奔筑前忠興求
之不与潛資送京後筑前將後藤政次奔於豐前忠
興怒筑前匿興元不肯行筑前欲攻豐前神祖止
之命出政次忠興乃竊逸政次從是二家交相惡興
元因京兆尹求見上以其勇堪戰鬪置石右封為
茂木侯從園大阪明年佐酒井忠行將其父所部石

退左乘之大捷以功益六千石興元曾孫興英為長
門守与肥後平与禰侯結婚筑前使人告絕茂木曰
我祖以君之祖之辱于敵邑得罪肥後失我大臣今
君改事肥後申以婚姻無一介曾命我是君棄我祖
也我不得事君興英無子請大納言姊小路公量子
興誠為嗣先卒興誠子興庠代立興庠立子興晴立
史臣曰高次執心不渝惜哉從安養之計卒定之功
歸于一人高廣父子貴善共蹈不祥忠興好事勇於
義於親之道有所不盡忠利愛士恤民國之益盛
有故夫興英之不知祖先事有國有家者宜鑒諸

伊藤有馬宗松浦大村五島傳第十三 卷三十八

飯肥侯伊藤祐共者藤氏也維職者以為伊豆押領
使稱曰伊藤源賴朝時伊藤祐時補日州地頭從家
為其後足利氏賜大和守祐堯領日薩隅之衆特島
津澁谷不与焉從是与嶋津氏日尋于戈爭霸三州
雖兵寡不為所弱至父義祐奢侈不恤軍國事為島
津所攻走豐後大友義鎮為義祐興兵伐薩不克遂
往京師祐共從秀吉敗明智光秀食邑飯田從入九
州導秀長軍破島津義弘于日州嶋津氏降以祐共
為飯肥侯盡封其故地朝鮮之役斬新察使歸報會

津之役病不能從居飯肥聞三成亂遺書黑田長政
并伊直政待所令神祖乃命伐薩祐共子祐慶雖弱
善戰与黑田孝高平岡村取宮崎圍佐土原引兵深
入所逢便擊碎救薩八邑神祖誅三成救島津義弘
高橋元種命祐共還所取之地祐共意不應還反者
地訴之不聽志死神祖賜祐慶書褒其功甲寅攻阪
乙卯不及戰祐慶子祐久耶蘓時与松平重直戊天
草与重直及寺沢堅高薩人造耶蘓籍伊藤厚蓄待
徵令不納賄避事雖米塩必循祖先法德宗時飲肥
侯名祐之

有馬晴信世居有馬天正中為龍造寺隆信所攻幾
亡度北方莫能共患使人于薩、乃出兵伐殺隆信
秀吉入九州晴信降三成時作檄呼晴信會大村善
前悔還与語然之引兵而歸是時病目不能出使子
直純從熊本侯攻宇土後与長崎尹合兵燒壘船本
多正純与力岡本大八潛結晴信学耶蘓欺晴信曰
貨執政君所欲可得晴信、之傾家聽大八市蠻物
應其須大八乃与書曰佐賀侯前与賊君近有功不
當上欲割佐賀与君既命有司前是所請咸不得迨
得此事大過所望与正純相聞正純恠之自上徵晴

信至則具得其實繫大八于獄大八祭晴信陰事以
希免罪日晴信舍人為蠻被奪貨至燒蠻船欲取貨
水中見長崎尹使崑崙奴汲水取以歸官謀賊尹大
八具告下司農長安駿府尹光正雜治得奉耶蘓事
囚于都雷賜死是時直純為迂父居駿神祖奪掘忠
俊室妻為給事于中以故不坐父之事封有馬四万
石直純如有馬知学耶蘓者多恐久之乱作思欲有
所易召僧幡隨化境内明年徙封延岡後阪之軍又
明年祭兵戍天草耶蘓起上以直純長于京城從總
督信綱攻賊力戰有功憲宗時直純孫永純有寵比
子孝純立

内諸侯而民苦其政相聚不受政令上徙永純厭川
教罷臣義長五歲餘徙封丸岡卒子壽純立壽純卒
子孝純立
對馬侯義智平氏知盛後也平氏亡知盛子從大宰
少貳匿其家長為右馬廐生子四郎始為宗氏寬元
未盡滅阿比留氏有對馬應永二十六年明成祖永
樂十七年宗負義擊却朝鮮寇喜吉三年明英宗正
統八年負義子負盛遣舟五十艘于朝鮮交易後是
朝鮮年与米豆二万石無對馬符者逐出之永正七
年大將軍義尹使宗義盛子盛弘伐朝鮮軍敗死之

後盛弘弟盛長与朝鮮平義智七世祖也秀吉入九
洲遣對馬人橘康廣徵聘朝鮮、見其書稱天下
歸我握中辞以海風波不肯遣使秀吉疑康廣告國
陰事誅之復遣義智及弟柳川調信僧玄蘓朝鮮王
見義智責曰日本納我罪人取我竹島所請不可得
也義智乃令調信捕朝鮮人亡在對馬者十餘人与
朝鮮、教之令僉知黃元吉從義智來聘大閣悅
又以聚小西氏益貴盛拜侍從對馬守賜羽柴氏義
智知秀吉欲伐朝鮮往說王肱王通日本于明朝鮮
免兵王不信秀吉廼大举伐朝鮮必之將扣行長白

遣還所虜二王子与義智与以明朝鮮使來秀吉怒
二王子不親來却朝鮮使又益發兵伐朝鮮至薨乃
罷三成乱義智与諸侯至未間閔而還知三成惑天
下也神祖誅三成行長召義智曰朝鮮舊屬國也自
大閣暴之絕不來子其風王使貢土物王不可則告
于我每年秋熟時遣兵取禾我不損一兵一石朝鮮
為堙与其堙之不若全之是在子也我亦不責臣礼
朝鮮又苦明戍兵聞義智之言悅使其臣孫文或僧
松雲來聘上乃命義智置吏于釜山浦以五山徒為
宗氏草文書与田代義智、以調信為勞与之田

代於是朝鮮復通遣船二十艘交易甲寅帥兵從伐
陔大旻平之年義智卒子義成立初朝鮮与大將軍
平不肯聽義智乃改曰日本國王慶長十三年復書
稱日本國某元和三年僧崇傳草復書調臣子調興
曰日者朝鮮見復書不稱王曰日本未一宜稱王崇
傳曰古蝦夷高麗不賜書今稱王通書朝鮮外國皆
輕日本知政事正純利勝京兆尹勝重奉行重信等
曰崇傳議是上復出問朝者列侯高市執政直孝列
侯忠政等曰正純等議是調興言不從与使者至對
馬見僧元芳語朝廷故潛改復書為日本國王寬永

十二年義成与調興有訟調興元芳以偽作復書罷
至死然朝鮮不知本朝之事必通書于王不稱王和
壤調興元芳知事癸當誅偽作復書為國不為身赦
死從北海之上於是命与朝鮮使者議稱大君殿下
復書如故本朝復書始達朝鮮執政直孝等賀曰朝
鮮以陪臣所以事天子事本朝臣等敢賀初副官調
信丞如王城語王曰我為朝鮮勞於州王王以為然
年、貨之如貨義智至調興敗義成併副官受職之
濟當得而私之田代没入于官又請以年所得公木
之半三百同易米足十二斗救其饑大抵州所用皆

仰朝鮮隨事大小為豐約明曆三年義成卒子義真
並以公木苦惡受職攝成般適朝鮮為加百同後義
真遜位子義倫立三年卒弟義方立義直復典朝鮮
事八年文宗立盡改禮儀義方左右使者適旨復与
田代使比十萬石侯賜持長刀德宗三年卒弟義誠
立義誠卒子義如幼不能臨外國立李弟方熙為侯
歲餘府城燔賜米萬石致仕立義如、卒立弟義
蕃國益貧乞貸于上要以朝鮮事

松浦鎮信左大臣源融後也自融玄孫父居松浦秀
吉入九州鎮信父肥前守隆信起松浦壹岐兵衛扼

海路毋何鎮信代父為侯望小西行長次朝鮮之功
不平以行長學耶蘓盡索逐出耶蘓三成乱与大村
侯等至赤間関知三成行長挾詐偽令衆引兵而還
父之子隆信代為肥前守改壹岐守甲寅上憂耶蘓
知鎮信雅素惡之遣隆信長崎道聞其父死還松浦
葬訖如長崎逐出耶蘓毀其室適會阪之事起率軍
會之未至軍罷明年又至安藝而罷隆信以為松浦
遠難會事請上徙江都明曆灾隆信子篤信六鄉政
滕為上作粥給被災民憲宗時為奉朝請給事于中
元祿初乞骸骨立子棟、与弟昌万石視内諸侯棟

又給事于中遷謁者兼祠曹四年免棟孫有信昌孫
隣今並為侯

大村喜前藤純友後也純友以反誅永延中赦其孫
直純居大村子孫居有馬者為有馬氏居大村者為
大村氏自元亨後大村氏佐王師終不變節至南朝
絕純前者始事足利氏純前無子遜位于有馬義純
弟純忠元龜中開長崎与蛮夷互市久之秀吉怒長
崎多耶蘓削長崎三成作乱使人召純忠子喜前与
松浦侯對馬侯五島侯四侯共會赤間關喜前曰大
閤薨令内府代治天下幼主十五歲而後歸政今三

成背遺命黜内府背大閤之幼鎮信等然之引兵而
歸神祖乃賜喜前書善其守節喜前乃遣兵後加藤
清正攻八代後朝廷命大村五島備蛮夷之變耶蘓
乱喜前孫純信歸国備外寇蠻船至以兵三千如崎
港純信無子以司農伊丹勝長子為嗣名純長
以好學名捕殺耶蘓九十餘人純長後三世曰純保
字子結

五島純玄逸見有義後也盛義者以居宇久為宇久
氏擊朝鮮大和守純玄有功定食五島万二千石為
氏子盛利役甲寅之軍今侯盛永其七世孫也

史臣曰伊藤氏逼大國而不削弱雖曰象德維賢抑
亦安之乎宗義智等用大村侯之言而永亨其福不
可謂少不若老矣

秋田南部津輕相馬戶澤六鄉岩城松前傳第四

秋田實季安倍任後也有廢季應永中衆亂據秋
田鎌倉不能治魚季後曰安東愛季當織豐之方熾
屢遣使賀愛季生實季伐會津至山形聞三成反而
還神祖以秋田津輕去會津遠召使詣軍盜起不能
適獨津輕兵數百人從神祖曰信臣守城四隣援之
盜賊何為今重遣使立至然我不欲與不信之人俱
不復遣使最上侯誣實季通使三成欲滅秋田而有
之上乃與廷臣議知政事忠隣曰實季取由利自然

古敗小野寺綱隆弟成在關原之戰之前若与三成
豈攻其黨實李不反神祖然之役食完戶五万石除
秋田實可十八万石不役津輕以少遣兵也後遣國
人笠間成爲甲寅行從軍明年斬首四十級今年稱
病歸國剃髮不請于朝立子俊季爲侯以爲嗣子時
邑事上盡私賦粟俊季乃假貸致役光陵及它徵令
寬永七年有司言實季所爲不道役諸朝熊以俊季
供徵令無之不坐實季竟死朝熊俊季後役三春益
五千石卒于大阪成所子盛季嚴宗初成駿府捕得
反者正靈盛季復卒于大阪子輝季憲宗初成高田

還命視內諸侯初阪之戰丹波荒木高乘欲立功封
故邑從實季戰死實季妻其孤生高宅爲卿至貴倨
高宅子曰高村任俠欲勝人章宗命侯造吉田橋高
村知吏貪不肯受功數毀數作吏恐失期陰見高村
勿復毀其使氣如此迨侯之子就季卒立高村子賴
季高村不得已許之猶曰我異姓也已侯卒賴季立
諸大夫害高村譖諸前夫人囚諸其家又捕荒木氏
之奴殺之奴妻亡往江都具告國陰事下吏治之令
前夫人勿于政与高村宅地豐衣食終身賴季逼養
毋不察邪謀執所生父傳朝久之乃赦享保十五年

事也賴季孫定季今侯也

南部侯利直甲人小笠原光行後也光行後源賴朝平與封糟矢南部者光行日者所食邑名也洛人買鷹南部見利直父信直曰豐公如神今在小田原君何不遣使自結豐公欲竟平與無可生者其勢必親先至者信直以為然使人從買鷹者如小田原曰臣族政實以九戶叛為信以津輕叛臣未能制賊足利松王據黑川臣未能擒臣是以不得詣軍門執役惟明公暴露已久矣臣甚恐秀吉果大悅見使者曰善守我平小田平便往小田原平信直見秀吉于那須

秀吉乃遣兵破降九戶而宥津輕語在其傳明年政實又反神祖与秀次至磐手遣將攻殺政實松王九戶復為南部慶長五年利直已為侯至山秋欲伐會津已解去討岩崎白石賊破之歲餘乃平利直治郎江都德祖遊為甲寅城高田遂長驅如阪神祖賞之賜二虎以衆未至居後軍、散毀茨木明年獻馬耶軍尋率兵如阪會阪已敗寬永中利直卒子重直立朝江都病道留月餘未白其故上怒久乃解後紅夷至南部盡捕獲嚴宗時重直卒上立其弟重信為後對八戶封季弟直房憲宗時重信墾田登賦補所割

之數重信老子行信立行信卒子信息立信息卒弟
山利幹立利幹德宗時卒立兄子信視

八戶侯直房立四年卒子直政著文林集憲宗時給
事于中遷侍中一年免卒立兄子通信、卒子廣
信立

津輕為信南部疏屬云或曰文治中鬻金者橋次後
也或曰藤姓大政大臣尚通曾孫也傳曰南部侯信
直令為信与波岡某守津輕為信見伊達南部構兵
連年相伐逐波岡皆南部是時近衛公居津輕悅為
信善事之以女妻之為通使于秀吉復厚事神祖以

為援信直怒將攻會秀吉圍小田原為信兼行至小
田原因神祖見秀吉後信直見秀吉明言始終請誅
為信然秀吉方賞先至者不聽信直立津輕慶長五
年還自山形遣兵詣軍後為信卒長子以事秀賴不
立、次子信教、娶近衛前父女為夫人早卒伯
耆侯夫人者德祖從弟而所名養也侯卒寡居使信
教尚烏賜極輿馬之飾憲宗時信教孫信政娶增山
氏生二子信壽資德鳥山侯以資德者夫人之外甥
請為嗣而侯實有子上聞奪津輕邸傳朝三歲出信
政卒信壽立德宗時老今侯信著者信壽孫也

相馬盛胤千葉常胤後也常胤与次子師常相馬使
邑烏其後世有功受與行方盛胤高祖重胤時失相
馬唯有行方父讚岐守顯胤与伊達晴宗相拒死陣
中秀吉圍小田原彈正大弼盛胤子義胤往見秀吉
与邑江州秀吉薨知天下歸心神祖遣義胤朝江戶
會津之役間通使會津受令不敢前會三成反召之
使守宇都宮不至神祖誅三成奪盛胤邑初改宗不
得過白河假館相馬義胤將圍殺之水谷三郎兵曰
假館于仇讎可謂窮伐之不為信克之不為武且也
去其境三里疾馳可建日而假館于我無謀能如此

哉義胤曰善分兵扞衛餉遺及後者於是改宗告之
迨盛胤与義胤待罪江都上憐復之邑歲餘盛胤卒
義胤卒政宗求釋前憾謝曰臣厚懷君之惠然不可
以我私結好于祖先之仇甲寅城高田使子利胤如
大阪明年亦如之最上滅率兵収酒田大宝寺二城
利胤子曰義胤与王父同名以父死代王父為侯初
盛胤亦与王父同名義胤無子以土屋忠直子忠胤
為後忠胤子昌胤以叔父數直為知政事命比内諸
侯給事于中遷侍中免修護国寺昌胤老立佐竹義
家子叙胤九年老立昌胤子尊胤尊胤復命比内諸

彙德宗時使修輪王寺
戶沢政盛親王平尾輪後也以居與戶沢氏為中世
以來事秋田小野寺氏食角館四万石政盛父盛安
方秀吉攻北条氏往見之死于小田原遺命弟光盛
視軍政既秀吉怒小野寺綱隆不來滅小野寺氏復
其將戶澤六郷本堂仕賀保赤尾打越岩屋楯岡等
邑後光盛如名屋道死政盛幼未許立之神祖為言
盛安有誠節乃得襲封會津之役至山秋欲攻米沢
聞神祖南還而去三成死助山秋取庄内還收菊小
邑有之佐竹氏移秋田以角館与佐竹氏徙政盛于

常松岡甲寅守小田原乙卯守江都最上滅自松岡
徙新庄子正職憲宗時列内諸侯致仕無子立公族
政庸
六郷政壽二階堂行宗後也世居六郷服事小野寺
氏
氏亡秀吉復政壽邑會津之役至山秋欲
攻米澤小野寺綱隆奉兵應會津圍六郷四十餘日
三成敗乃去神祖賞其功徙食常府万石屯江戶崎
後徙攻阪山秋国除与政壽本庄二万石憲宗時其
曾孫政晴給事于中
岩城氏鎮守府將軍平繁盛後也自繁盛孫則道居

岩城秀吉園小田原岩城常隆詣軍見秀吉歸至鎌倉死佐竹義重以岩城氏絕嗣今叔子貞隆承常隆後如附庸屬佐竹氏。後秋田貞隆從龜田食二万石除岩城十二万石後再攻阪後貞隆卒弟宜隆立宜隆曾孫秀隆事德宗三年卒以仙臺侯吉村弟清隆為嗣


松前侯慶寅者若狹武田氏也信廣者避仇之松前偶會蝦夷為寇諸將嬰城自守莫敢擊信廣以為易與如上國城言其說蛎崎氏少与之兵使擊夷大利蛎崎為有能妻子為家督若狹守至慶寅四世民夷

懾服慶寅父若狹守秀廣時賈人至者甚多置吏固約束莫專交通于夷又貨酋長莫作乱秀吉入會津賜慶寅豐臣氏并民部大輔使率夷攻九戶夷以毒淬矢血縶乃死城中大驚朝鮮之役如名古屋賜誅客商不請是時真人從松前者益多遂居松前神祖時賜真羽北邊乘傳役夫元和中賜慶寅孫公廣採金于山公廣子氏廣嚴宗時卒子高廣幼酋長雀置胤屢殺捕鷹者及商賈使人往責不受舉兵攻使者松前相佐藤信綱年七十餘熟于軍報上以夷故且言高廣幼不能將得氏廣弟親衛恭廣者大服民夷

上乃使將二千人往恭廣曰南地兵不習險阻恐難
用以臣觀之松前兵而足矣若不足調與羽兵上許
之是時信綱兵千餘人与前所遣使者共居久之知
夷不和出戰走之會恭廣至追至毛利志通降夷甚
多夷亦苦雀置胤之暴益離叛信綱去志比沙利十
餘里壁于魚尾使人志比沙利說降雀置胤
以恭廣兵衆獻重宝降于軍門信綱受其半還其半
使來取伏兵斬之雀置胤已死部分盡誅其黨自事
起至成功不損一人信綱之力也恭廣盟諸夷于余
醫地歸報高廣乃禁賣兵器与夷高廣子矩廣德宗

時卒無子立族人邦廣

史臣曰南部津輕相馬爵在小国之列而土疆至廣
自天正之年至關原之戰自古據国縣邑者亡者半
存者半而保墳墓者亦不能半也南部存于賈人之
說秋田衰于不出軍葛菟之言夫可忽哉相馬津輕
之不遷徙由國家之不暇也夫猶天正之伴達慶長
之島津與蝦夷之衰松前小國能制之



Faint vertical text in seal script, likely bleed-through from the reverse side of the page. The characters are difficult to decipher due to fading.

The left page of the document is mostly blank, with some faint, illegible markings and a small dark smudge near the top left corner.

